

**Dissertatio phisiologica de visu : quam deo duce et auspice Dei-parâ, in  
augustissimo Monspeliensi Apollinis Fano, tueri conabitur autor Josephus  
Sawyer, ..., die mensis Novembris anno 1741, ab horâ octavâ ad meridiem. /  
praeside illustrissimo D. D. Gerado Fitz-Gerald.**

### **Contributors**

Fitz-Gerald, Gerald, -1748.  
Sawyer, Joseph.  
Université de Montpellier.

### **Publication/Creation**

Monspelii : Apud Joannem Martel, Regis & Unibversitatis Typographum,  
M.DCC.XLI.

### **Persistent URL**

<https://wellcomecollection.org/works/a7mtfnba>

### **License and attribution**

This work has been identified as being free of known restrictions under  
copyright law, including all related and neighbouring rights and is being made  
available under the Creative Commons, Public Domain Mark.

You can copy, modify, distribute and perform the work, even for commercial  
purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

# DISSERTATIO<sup>1</sup> PHISIOLOGICA DE V I S U.

QUAM , DEO DUCE ET AUSPICE  
Dei-Parâ , in augustissimo Monspeliensi  
Apollinis Fano , tueri conabitur Autor  
JOSEPHUS SAWYER , Anglo-Britannus ,  
Artium Liberalium Magister , & Medi-  
inæ Studiosus , die                    mensis No-  
vembris anno 1741 , ab horâ octavâ  
ad meridiem .

PRÆSIDE

ILLUSTRISSIMO D. D. GERARDO  
FITZ-GERALD , Regis Consiliario & Medico ,  
in Almâ Monspeliensium Medicorum Acade-  
miâ Professore Regio , Societatis Regiæ Mons-  
peliensis Socio .

*Ad primam Apollinarem Lauream consequendam,*



MONSPELIENSIS,  
Apud JOANNEM MARTEL , Regis &  
Universitatis Typographum.

---

R. R. D. D.

PROFESSORES REGII.

ILLUSTRISSIMUS D. D. FRANCISCUS  
CHICOYNEAU, *Cancellarius & Judex,*  
*Regi à Secretioribus Consiliis, Archiatrorum*  
*comes.*

DISPUTATURI.

R. D. PETRUS RIDEUX, *Decanus.*

R. D. ANTONIUS MAGNOL.

R. D. HENRICUS HAGUENOT.

R. D. JACOBUS LAZERME.

R. D. EUSTACHIUS MARCOT, *Regis Medicus,*  
*perpetuò Ordinarius.*

R. D. ANTONIUS FIZES.

R. D. FRANCISCUS SAUVAGES DE LACROIX.

DOCTORES ORDINARI.

D. Petrus Guisard.

D. Claudius Chaptal.

D. Carolus Seranne.

D. Thomas Fitz-Maurice.

D. Petrus Combaluzier.

D. Honoratus Petior.

D. Franciscus Lamure.

CELSO, POTENTI,  
ET NOBILISSIMO PRINCIPI,  
EDVVARDO HOVVARD,  
DUCI NORFOLCIAE,  
COMITI MARESCHALLO,  
ET HÆREDITARIO COMITI MARESCHALLO  
ANGLIAE,  
COMITI ARUNDELIÆ, SURRIÆ, NORFOLCIAE,  
ET NORWICI, BARONI HOWARD DE  
MOWBRAY, SEGRAVE, BROASE ( de GOWER  
in Comitatu, CAERMARTHEN ) FITZ - ALAN,  
WARREN, CLUN, OSWALSTREE, MALTRA-  
VERS, GREYSTOCK, FURNIVAL, &c.  
PRIMARIO DUCI, COMITI, ET BARONI ANGLIAE,  
STIRPI REGIÆ PROXIMO,  
ET ILLUSTRISSIMÆ DOMUS DE HOVVARD,  
CAPITI.

**N**O BILISSIME PRINCEPS,

*OPUSCULUM hoc ( Exercitationis Academice*

causâ scriptum ) CELSITUDINI TUÆ dicare  
ausim. Id Te dignum haud-quaquam censeo ;  
Tesseram exhibere Venerationis , quâ Ampli-  
tudinem Tuam eximiasque Virtutes ; ac Me-  
moriae gratæ , quâ Beneficentiam impendio of-  
fensam prosequor , mihi duntaxat volo.

Domus longè illustrissimæ (cujus meritissi-  
mus es Princeps ) Historiâ supercedendum esse  
arbitror , Quos enim ea latet , illos herclè (si  
qui sint ) Orbis nostri Famam nondum rescivisse  
oportet.

Titulis Opibusque frui Pluribus obtingit ,  
Queis , simùl-ac istæ Phaleræ demuntur , nil  
penitus promeriti superest : apud Gentem verò  
inclytam , primarium (post Stirpem Regiam )  
obtinere locum , inque eo Virtutibus magis ,  
quam genere antè omnes longè emitere , Nobili-  
tas vera est .

Harumce Virtutum enumerationi præconiis-  
que immorari , animum esset , dudum de ma-  
terie uberrimâ differere vehementer cupientem ,  
explere : Quum autem Tuum Ingenium tale  
noverim , ut non minori Laudatores arceas

*Curâ, quâm Laudes mereri summas perpetim  
nitaris s à jure TIBI tribuendo me abstinere  
invitus cogor.*

*Quandoquidem verò Bonitas adversùs alios  
(quâ speciatim splendes) omnium interficit, om-  
nesque ad commendandum alliciat s vitio haud  
injuriâ mihi vertendum foret, si silerem Pro-  
pensionem Tuam ad eam divinam excolendam  
Virtutem tantam esse, ut, nequaquam Te so-  
licitari sinens, petituros benignissimè prævenias s  
in quo supremi Bonorum omnium Largitoris  
perfectissimam (quæ penè humanam Naturam  
est) Imaginem reddis.*

*Ferè accedit, ut Primores (qui solis Nata-  
libus cæteros supereminenter Homines) molestè  
adeamus: haud alitèr, ac præaltas & sale-  
brosas Rupes, desertosque Montes, horrore  
quodam perciti intuemur. Apud Tuam verò  
**CELSITUDINEM** longè secùs; excelsiores sic  
res objectæ, Naturæ Artisque operibus exquisi-  
tissimis ornatæ, omnium Oculos in Spectacu-  
lum apparatissimum convertunt, gratissimèque  
demorantur.*

Numini TE ( ob plurimas præstantissimasque  
Virtutes ) peculiari esse Curae , multa magna-  
que divinitus accepta demonstrant beneficia.  
Inter hæc , CONJUX TUA CELSISSIMA  
locum facile primum vendicat ; in Quâ Venus-  
tatem eximiam , suavissimos Mores , perfectam  
denique cumulatamque Virtutem mirantur  
omnes.

Paucis tandem ( nè TUA videar abuti Pa-  
tientiâ ) perorare officii duco. Quapropter ,  
NOBILISSIME PRINCEPS , Te supplex oro ,  
ut tenuè hoc Opusculum , ( quod summa TUI à  
me exegit Observantia ) gratum acceptumque  
habeas. Muneri id TIBI mittendo , Pauperum  
me largitatem imitari probè scio , qui Infantes  
suos liberaliter educandos lacupletandosque Mag-  
nantibus dono dant.

Nil mihi restat , quod TIBI ad Fælicitatis  
culmen evecto comprecer , nisi ut DEUS be-  
nignissimus Te salvum nobis & incolumem con-  
servare velit , quò aliis clarum Virtutum om-  
nium Exemplum , Patriæque Decus splendidis-  
simum diutissimè superstes sis : voletque si Ba-

*norum omnium Votis annuere dignetur. Id TIBI  
ex intimo Corde precatur.*

**NOBILISSIME PRINCEPS,**


Tuus perquām maximē addictus ,  
deditus , obstrictusque Servus ,

**JOSEPHUS SAWYER.**



Digitized by the Internet Archive  
in 2020 with funding from  
Wellcome Library

<https://archive.org/details/b31971313>



## PROLEGOMENON.

**V**ISUS enodationem moliri , arduam est suscipere provinciam. Nàm si vel Organum ejus , Oculus nimirùm spectetur ; cum celebri Authore asserere licebit , quod in Dissectionibus Anatomicis vix aliquid admirabilius , aut artificiosius structurâ Oculi humani . . . . occurrat : ut meritò per excellentiam C R E A T O R I S appelletur Miraculum. *Gul. Fab. Hildan. Cent. 2. Observ. 1.* vel si hujuscē Organi functio pendatur , non modò totum Orbem diū latuit , sed etiamnùm plurima complectitur , quæ summorum Ingeniorum aciem fugiunt.

Utilitatem quidèm , Necessitatemque , omni penè temporis puncto experimur ; absque enim illius eximii sensus usu , nec peregrinari , nec penum quærere , nec pericula vitare , nec deniquè Corporum cœlestium Pulcritudinem , Camporumvè Amœnitatem intueri potuissemus. Subjacent ( inquit Plinius ) Oculi , pars corporis pretiosissima , & qui Lucis usu vitam distinguunt à morte. *Nat. Hist. lib. 11. cap. 37.*

Necessitas hæc ad visū explicationem tentandam animum impulit , sic enim ad illius sen-

sus variorum defectuum cognitionem certam pervenitur: Praxim autem Theoreticēs scopum esse nemo nescit.

Quamvis Oculi humani descriptionem, usumque impræsentiarūm duntaxat cogito, attamen nè abs re innuisse puter, plerorumque Animalium ac Insectorum Partis illius nobilioris contemplationem, plurimūm oblectationis utilitatisque rerum reconditarum Indagatoribus subministrare, simùlque Divini Opificis Sapientiam referre; dum eam partem varios in fines diversimodè mirèque disponi cernimus. Studium, eo nomine, quovis dignissimum.

Quis fugientium Leporum prominentem ac lateralem Oculorum situm, ad objecta quaquaversūm conspicienda; vel insequentium Canum eorundem Organorum positum ad prædam antè se videndam, sine admiratione unquam secum consideravit? Quem non percellunt Aranearum Oculi multiplices, quandoquè quatuor, alias sex, interdumquè octo? His enim collum denegatur, quod (cùm Muscas capiendo vitam sustentent) inutile prorsus, imò incommodo iis fuisset, utpotè minimus ejus motus adeò meticulosa abegisset Insecta; ad cujus defectum supplendum, majori Oculorum donantur numero, ut agillimam prædam, quoquò se vertet, immotæ aspiciant, perquè saltum eam præbendant. Power's. micros. observ. pag. 11.

Cameleonis Oculi mirum in modum move-

ri possunt, nàm Capite fixo, ad latera, retrò &c. frequenterquè in partes omnino oppositas diriguntur, imò, uno veluti otioso remanente, diversissimi motûs à socio libero perfici obser-vantur. *Goddard. Phil. Transact. num. 137.*

Pupillæ in variis Animantibus diversa indo-les meretur iterùm iterùmque perpendi. In Bo-ve, Caprâ, Equo, Ove &c. transversè ellip-tica est ( Pupilla ) ut eò magis in his forsitan Animalibus, quæ prono incessu viatum in Agris quæritant, radios laterales ad mala & incom-modâ utrinquè devitanda admittat. *Briggs Oph-thalm. c. 7. § 6. & super eâdem re Willisius de Anim. brut. p. 1. c. 15.*

Feles Pupillam ellipticam erectam habent, ità ut eam constringendo, simulquè Palpebras ferè claudendo, radios lucis interdiù ( prout libuerit ) minuere, noctuque easdem diducen-do Partes, aditum dilutissimæ luci per amplum præbere valeant.

Membrana nictans, quâ plerique Quadrupe-des, Pisces, Avesque donantur, singulari ipsis utilitati, nobisque sapientissimi consilii docu-mento est.

Talia pensanti oblectamentum summum, Fructusque haud mediocris nascitur; nam, ut aiebat Vir clarissimus, admirandum DEI Artificium, ex diversorum Animalium comparatio-ne, indiès evadit manifestius. *Blas. Anat. Anim. p. 2. c. 4. ex Stenone.*

Varias Antiquorum Sententias , circà Visus.  
rationem , abjudicamus atque rejicimus. Utrum  
enim Stoicorum Systema consideraverimus , qui  
per Species expressas seu radios ab Oculis ad  
objecta emanantes , indequè reflexos ; sive Epi-  
cureorum , qui per Imagines materiales à di-  
versis Corporibus ad Oculos allatas ; sive deni-  
que Peripateticorum , qui per species intentiona-  
les impressas visum fieri docuere : singulum pri-  
mo obtutu absurdum apparet , ideòque veritati  
(uti æquum fuit ) ea omnia aliquandiù cesserunt.

Operam jam daturi sumus , ut eam verita-  
tem in sequenti Tractatu patefaciamus , post-  
quam pauca de Ordine observando adjecerimus.

Ut verum cujusvis Organi calleamus usum ,  
structuram ejus apprimè rimari necesse est ; qua-  
re ab Oculi descriptione anatomicâ ordiemur.

Ut porrò Visus ratio pateat , præcipua , quæ  
in Opticis , Dioptricis , Catoptricisque demon-  
strata fuere , prægressam descriptionem excipient ;  
in quibus facem ferè prælucebit Neutonus ;  
Vir (uti loquitur Boerhaavius ) tantæ penetra-  
tionis in Mathematicis & Physicis , ut humani  
Ingenii ultimos limites transiisse videatur. *In-  
tit. num. 531.*

Ut denique modus visionis verè eluceat , ex  
Optice &c. deprompta ad organum prius des-  
criptum applicabuntur.

Ad calcem nonnulla , de quibus hactenùs lis-  
fuit , leviter perstringentur.

---

# PARS PRIMA.

## *De Oculo. ejusque partibus.*

1. **O**CULUS est organum visūs. In globum (præcipuam partem) & appendices dividitur.

2. Orbitæ Oculos complectentes, ex variis Cranii facieique ossibus fiunt, membranâque à durâ matre ortâ succinguntur; infundibuli-formes aliquatenūs sunt, & itâ positæ, ut angustiæ retrò, latiores margines antici, lateraque interna æquali penè à se distantia inter-vallo collocentur.

### §. I.

*Globi ordiemur descriptionem, qui Tunica pluribus, Humoribusque variis, &c. constat.*

3. TUNICA sclerotica prima in conspectum venit; quæ in corneam opacam, & pellucen-tem usitatè dividitur. Pars opaca plurimis arctè compactis lamellis conflatur; dura fortisque est, & pergamena quodammodo refert. Circà partis medium posticæ, nervum recipit opti-cum, ubi crassa admodùm est, indèque pau-latim gracilescit. Arteriolis plurimis transitum

præbet hæcce tunica. Nervulos præterea habet intrà suas repentes lamellas, propè nervum opticum ingressas, inque vicinio partis translucidæ exeuntes. Tunica hæc extimæ nervi optici membranæ propago haud videtur. Cornea pellucida è laminis quoque super se stratis componitur. Pars ejus convexa reliquo globo prominentior esse invenitur. Peripheria ejus ( ubi cum opaco jungitur ) parum elliptica evadit. Poris innumeras, per quos continuò subtilissimus sudat humor, pertundi observatur.

4. Tunica proximè succedens, choroïdes vel Uvea audit. Scleroticæ annectitur hæcce Tunica per complura vascula, à nervo optico ad corneam usque disseminata, ubi loci ab internâ scleroticæ superficie ad Uveam propriè dictam formandam deflectit. In binas dividitur translucidas Membranulas, quarum extima crassior est solidiorque alterâ; & propè Cornearum occursum firmius multò quàm alibi scleroticæ adhæret; ita ut eò loci in annulum subalbidum, ligamentum ciliare vulgò dictum, immutetur. Annulum hunc esse glandulosum, & nullatenus præ se ligamenti speciem ferre contendit, *Maitre-Jean, Traité des Maladies de l'Oeil, pag. 53.*

53. Interna hujus lamellæ facies Stenonis vasa vorticosa sustinet. Altera Membranula valdè tenuis est, & à parte internâ vascula habet mirè disposita: Ruyschiana hodie plurimum nuncupatur. Choroïdis fibras probabiliter esse mo-

7

trices vult Morgagnius, *adv. 6. animad. 70.* Ea adverso Choroïdem nullius motūs capacem tenet *Maitre-Jean*, &c. Ex tam diversis quid eligendum? Perindè est sanè; utraque enim sententia ex æquo verisimilitudine nititur.

5. Intra modò descriptas laminas materies invenitur subnigra, quam Pecquetus, *in Epistolâ ad Mariottum datâ*, vascula esse repleta sanguine putat: Winslowus autem istius materiei originem, omnes hactenùs fugiisse asserit.

6. Uveæ pars antica dicitur Iris; & aperturæ propè ejus medium, nomen Pupillæ inditur. Posticæ Membranulæ, plicaturæ radiatæ, ciliares processus à Winslowo appellantur: in quo haud sequendus videtur Vir iste meritissimus. Juxtâ Blanckardum processus isti & dilatationi Pupillæ, & Lentis crystallinæ (infrà describendæ) adductioni inserviunt: Quod conceptu difficillimum. Plerique Authores processus ciliares esse fibras quasdam arcuatas docent; à Coronâ ciliari ad marginem crystallini Humoris protensas, ibidemque loci insertas. Processuum horum contractioni, Lentis chryallinæ subsidentiam, turgentiam è contrâ eorumdem remissioni tribuendas putat Morgagnius, *adv. 6. animad. 70.* Longè aliter sentit *Maitre-Jean*, & (uti videtur) non minori veritatis specie nixus. Intrâ Uveæ laminas fibræ sunt musculares variè dispositæ, orbiculares nimilùm circâ Pupillæ limbum jacentes (ut Winslowus

aliisque docent ) radiatæque ab iis ad extremos Uveæ limites porrectæ. Meryus fibras Uveæ circulares nullas dari disertè afferit ; quod si verum est , Pupillæ contractio ægrè explicabitur. Spatium inter Corneam pellucidam Uveamque, anticus dicitur Thalamus ; reliquum ponè Uveam spatiolum , Thalamus posticus nuncupatur.

7. Tunica retiformis , ordine tertia , à duabus prægressis longè discrepat : subalbida est , molliissima , tenerimaque. A posticâ globi parte , ad processuum ciliarium initium extenditur ; perque totum cum tractum lamellæ Ruyschianæ adhærescit : Quinimò ad crystallini Corporis limbum usque protendi Retinam , & anticam præterea illius Corporis faciem obducere suspicatur Winslow. Id in Oculo semicocto facile observari posse affirmat clarissimus Ferren Anatomœcēs peritissimus. Quest. Acad. de præcipuis Lent. cryst. Morbis. Vasculis sanguiferis intrà substantiam suam repentibus abundat Retina. Tunicam hanc Nervi optici partis medullaris solius sobilem esse , plures gravesque dissuadent rationes : fibrillulas quidem eam innumeratas ( in fundo Oculi præcipue distributas ) ab eo recipere Nervo , tenendum.

*De Humoribus Oculi vulgo sic dictis , eorumque Capsulis.*

8. Humor vitreus ( maximam globi occupans partem )

partem ) limpидissimum est fluidum , albumen Ovi referens , intrà Membranulam tenerimam contentum . Faciei ejus anticæ insculpta est fossula . Tunica vitrea in duas separanda lamellas , retinam usque ad majorem coronæ ciliaris peripheriam ( verisimiliterque ulterius ) superjacenter habet ; indè ad crystallinæ Lentis marginem , sulci ad radiorum instar dispositi , processuum ciliarium receptioni inservientes , ei incisi sunt : hic loci , ad capsulam crystallinam formandam bipartitur ; plurimæque internæ laminæ propagines , intergerinos veluti numerosorum loculamentorum parietes , intrà vitreum Humorem præbent .

9. Lens crystallina , Humor propriè non descendens , massa parva , lenticularis , spissa , crystalli pelluciditatem æmulans , intrà jam descriptam inclusa Capsulam , fossulæque Humoris vitrei infixa reperitur . Faciei posticæ convexitas alterius major est . Structuram hujus-ce partis nundum detectam fuisse credidit Winslowus : at plerique Anatomici ( quorum ex parte statim ) innumeris sphæricis segmentis rectè unitis eam Lentem conflari ; nucleumque ejus solidorem multò esse stratis extimis , docent . Lentem crystallinam aqueo quodam circumdari Humore suspicatur , vel superficiem ejus mollitudinem aquam referre , rectè asserit Morgagnius ; unde ejus figuræ mutationem plurimùm pendere hariolatur . Levi rore madefieri id corpus cre-

dimus , ad eum autem usum destinari mado-  
rem illum negare non dubitabimus. Color spis-  
sitasque Lentis crystallinæ varii sunt pro variâ  
ætate , quod nemo melius exposuit , quam cla-  
rissimus *Petit Medicus* celeberrimus.

10. Humor aqueus , liquor est valdè fluidus  
& purissimus , lymphæque parùm admodùm  
glutinosæ præ se speciem fert.

11. Humores internos Oculi ex arterioso san-  
guine intrâ Choroïdis vascula præparato , in ca-  
naliculis Iridis , &c. ulteriùs elaborato , &c.  
oriri ait Boerhaavius ; quam ( magnâ ex parte )  
amplectimur sententiam. Ductus enim Nuckia-  
ni , &c. isti operi inepti ab omnibus ferè ha-  
bentur : corona prætereà ciliaris glandulis , vas-  
culisque scatet plurimis ; Choroïdisque fibræ ,  
mirandum in modum intortæ , ad coronam ci-  
liarem tendentes , indèque ad marginem crys-  
tallini Corporis reflexæ , vel censendæ sunt vas-  
cula à sanguine arterioso separantia , separatum  
præparantia , præparatumque deferentia flui-  
dum , quod intrâ vitreum reperitur Corpus ,  
quod crystallinum nutrit , quodque denique  
aqueum suppeditat Humorem ; vel earum usum  
nullum adhuc notum esse ingenuè fatendum.



## §. II.

*De Oculi Appendicibus. Et primò, De Albulineâ, Globique Musculis.*

12. Albuginea, maximâ ex parte, quatuor Musculturum rectorum tendinea est porrectio; quæ scleroticæ partem, inter maximam Oculi peripheriam, & Corneæ translucidæ originem, totam operit.

13. Ex Musculis, quatuor recti sunt, duoque obliqui.

Recti sunt, levator, depressor, adductor, abductor. Hi Musculi non omnes benè recti nominantur, cùm adductor solus id Epitheton jure sibi vendicet. In fundo Orbitæ, circà foramen opticum, ortum habent parùm tendineum; indè carnei ad medium Globi superficie progredivt, ibique (ut suprà notatum) in tendines desinunt.

Obliqui, major, seu superior, seu trochleator; & minor, sive inferior nuncupari solent.

Trochleator, ab Orbitæ fundo, inter recti, interni & superioris Origines, aliquantulum tendineus nascitur; indè ad interiorem canthum proficiscens, gracilis fit tendo, qui per trochleam cartilagineam in fossula nasalis Apophysios ossis Frontis sitam, transit; hinc obliquè retrò, inter levatorem & globum tendens, dilatatur, & ad

Iatus Oculi externum ( ponè abductoris finem ) inseritur.

Obliquus inferior à basi nasalis processus ossis maxillaris propè Orbitæ marginem oritur , indè pariter obliquè retrò , sub depresso , partem petit lateralem posticam Oculi , & è regione majoris obliqui , propèque eum desinit.

Rectorum usus per se fat evidens est. Obliquos esse Oculi ( qui circà centrum suum mouetur ) præcipua retinacula , rectorumque Antagonistas , severa eorum suadet contemplatio.

14. Supercilia , sudoris à fronte intrà Oculum descensum impediunt : cæterùm faciei præcipue inserviunt venustati.

### *De Palpebris , Conjunctivâ , &c.*

15. Palpebræ , vela sunt ad Oculi tutamen , &c. data. Superior & major & mobiliar est alterâ. Constant hæce Palpebræ partibus communibus , ut Epidermide , Cute , &c. aliisque sibi propriis jam describendis.

Tarsi , eorumque ligamenta lata , ut Palpebrarum Bases , primum obtinent locum.

Tarsi , sunt Cartilagineos tenuiores maximam Palpebrarum marginum partem constituentes , quorum superior latitudine longè excedit inferiorem. Tarsi utriusque Oculi , ligamentis (uti videntur ) perpusillis ad canthos connectuntur. Faciei internæ harum . ce cartilaginum fulci in-

sunt, glandulas complectentes sebaceas, quem exitus propè limbos Palpebrarum reperiuntur.

Ligamenta Tarsorum lata, productiones sunt membranaceæ, à periosteo Orbitæ pericranioque ortæ, & à margine osseo ad Tarsos protentæ.

Musculi palpebrales, ut plurimum numerantur duo; unus est Palpebræ superiori proprius, levator nempè; & alter utriusque communis, orbicularis dictus. Levator Palpebræ, musculus est gracillimus, à fundo Orbitæ, inter recti superioris & obliqui majoris origines initium habens; suprà globi levatorem incumbens protenditur: aponeuroticus factus, seseque expandens, proximo Tarsi limbo inseritur.

Orbicularis Musculus (in diversas partes à variis divisus Anatomicis) totam Orbitæ peripheriam cingit, Palpebrasque (sub cellulosa jacens membranâ) omnino obtagit. Tendo est ad majorem canthum, toti penè Musculo communis. Horum ope Musculorum nictamus.

16. Conjunctiva seu adnata, tenerima est Membrana, internam Palpebrarum faciem, diuidiumque globi anticum operiens: pars Palpebralis (quam à Cute & Epidermide nasci verisimile est) vasculis scatet sanguiferis; altera vero lymphaticis tantum (dum sanus est Homo) abundat. Pericranii solius continuatio non est dicenda, sed coalete Conjunctivam palpebra-

lem Pericraniumque ad Adnatam formandam tenete lubet. A solâ palpebrali parte tegi Cornream nonnulla suadent.

17. Glandula innominata , propriè lacrymatis dicenda , conglomerata est : in fossâ ossis frontis , suprà minorem canthum situm habet ; in duos veluti lobos dividitur , insertionibus levatoris abductorisque Oculi adjacentes. Ductus ( ut ait Winslowus ) emittit plurimos , per Conjunctionæ palpebralis reptantes substantiam , propèque marginem superioris Tarsi Humorem suum suprà globum eructantes. Morgagnius autem ( in Anatomicis nemini secundus ) ductus dari licet non dubitet , illos tamen in Homine detectos esse planè negat. In nostro , inquit , Genere..... nervei quidem ramuli subterlabuntur..... hinc est , ut sicut exiles quosdam ductus de illâ glandulâ prodeuntes , primo aspectu & perquisitione mentiantur , *advers. 1. num. 22.*

18. Cilia , sunt pili in Palpebrarum limbis pulchro consiti ordine ; ad abigenda leviusculla , & lucis radios moderandos : superiores sursum , inferiores verò deorsum curvantur.

19. Colliciarum lacrymalium oricia , puncta lacrymalia dicta , extremos penè Palpebrarum margines ad majorem canthum pervadunt ; unum alterius è regione est. Circulis videntur cartilagineis circumcingi , quibus aperta semper tenentur. Ad hydrophthalmicum Humo-

rem imbibendum destinata sunt.

20. Caruncula lacrymalis, massa est subrubra, inter majorem canthum globumque Oculi sita. Accuratè consideranti glandula conglomerata apparebit, ut docet Winslowus. Morgagnius autem non cum illo sentit; ea ( caruncula ) nihil aliud est, inquit, nisi tuberculum quoddam.... facileque ex duplicatâ, contrac-tâque Palpebrarum interiore membranâ factum est, *adv. 1. num. 22.* Caruncula hæc pilis pluri-mis tenuissimis conseri invenitur.

21. Ad latus externum carunculæ modò descriptæ, Plica semilunaris est, cuius pars gibbo-sa nares, concava verò corneam pellucidam spectat.

22. Arteria maxillaris externa, temporalis, frontalisque ( carotidis externæ propagines ) plu-rimos suppeditant ramulos teguminibus, variis-que musculi orbicularis partibus. Ejusdem caro-tidis ramus alter ( arteria maxillaris interna dic-tus ) per rimam sphæno-maxillarem in orbitam emittit ramulum, in periosteum, globi mus-culos, palpebræ levatorem, adipem, glandulam innominatam, totam conjunctivam, caruncu-lam, &c. distributum. A carotide interna intrà cranium nascuntur arteriolæ, quæ nervum op-ticum cæterosque nervulos Oculo destinatos, comitantur; una ex illis arteriolis intrà nervi optici substantiam sese insinuat, canaliculosque arteriosos Retinæ subministrat: reliquæ, posti-

cam scleroticæ partem subeunt, intrâque ejus lamellas aliquantum perreptant; indè feruntur introrsum, inque tunicam choroïdem penetrantes, vasa vorticosa Stenoniana formant: & vascula innumera Ruyschianæ Membranæ majori Uveæ margini, Tunicæ vitreæ, &c. largiuntur.

23. Venæ partium Oculi internarum ad sinus orbitarios, cavernosos, &c. sanguinem revehunt: partium autem externarum refluus sanguis, per venam maxillarem exteriorem, interiorem ac temporalem, ad jugularem venam externam asportatur.

24. Præter vasa sanguinea suprà descripta, plurima pariter lymphatica reperiuntur.

25. Nervi optici à duobus Tuberculis, quibus opticorum Thalamorum nomen inditum est, originem ducunt: ad anteriorem superioremque sellæ Turcicæ partem antè infundibuli collum tendunt, coeuntque; indè separatim per foramina optica intrâ orbitas procedentes, Oculorum fundis inseruntur. Dantur alia plurima filaments nervea, quæ nervum opticum, ab ejus in orbitam ingressu, ad insertionem usque circumdant. Hi nervuli ortum habent à ganglione formato ab ophtalmicæ partis quinti paris, & motoris communis, ramulis. Ad Oculi fundum nervuli hice scleroticam ineunt; cumque parùm intrâ ejus strata repserint, eam deserunt, & suprà choroïdem ad corneam pellucidam usque serpunt; indèque per innumera filaments Uveæ distribuuntur.

Nervi

Nervi Oculorum appendicibus prospicientes, à tertio, quarto, quinto, sexto, septimoque pari originem suam habent.

---

## PARS SECUNDA.

*De Luce, ejus Refractione, Reflexione, &c.*

### §. I.

26. PRÆTERMISSIS Antiquorum de Luce sententiis, Recentiorum quorundam opiniones proponentur; ex quibus, quæ verisimillima videbitur, feligi poterit.

27. *CARTESII, PATRISQUE MALLEBRANCHE* (Virorum sanè ingenio & doctrinâ summorum) de Lumine Systemata, clarissimis ex eorum Posterioris non penitus arriserunt. Ficta enim materies globulosa totum æthereum replens spatium, non orta, sed propulsa à Sole, motu instantaneo Oculos premens, si veritate niteretur, nox dari nulla deberet, &c.

Vortices pariter molles, elasticos, motum à Sole receptum, puncto temporis, ad nos rectis lineis continuare posse, conceptu difficillimum.

28. *NEWTONUS*, non modò Britonum, sed & Humani Generis decus, Virtutus, ut nulla ora

sit tam deserta , quò non illius Fama pervaserit : is , inquam , licet nullibì ( ut scio ) Lucem præcisè definiat , passim tamèn , eam esse ignem ( ideoque Corpus subtilissimum ) per lineas rectas velocissimè motum , planè innuit.

Ignem Lucemque unum & idem esse Corpus , conjectat Musschenbroekius. *Essai de Physique* ,  
§. 1015.

Quam subtilis sit Lux , facillima densissimorum Corporum penetratio evincit. Velocitas ejus , ex observatis clarissimi Roemer circà Jovis Satellites , tanta apparet , ut non modò captum nostrum , sed fidem etiam penè omnem excedat.

Quid plura ? Cùm Ignis semper & ubique adsit , ut docet Boerh. Chem. vol. 1. p. 95. Cùm præterea Lux Ignem parentem suum ( ut plurimum ) sàt evidenter indigitare videatur : cùmque denique , Ignis corpus subtilissimum sit mobilissimumque , & ad præcipua Lucis Phœnomena edenda aptum , non videntur nimis temere erroris insimulandi , qui Lucem esse ipsum ignem certo modo affectum seu motum , contendunt.

29. Attamen , utrum Lumen sit Ignis , ambigere licebit ; patet enim potentissimum Ignem nullâ Luce apparere , Lucem quoque fulgidissimam nè calorem quidèm producere.

- Massa ferrea Igne extracta , candori proxima , in loco statuatur tenebroso , Lucis dabit nihil.

Speculorum ardentissimorum foci in pleno sole,  
si in nullum opacum agant, nullam Luminis  
imagunculam præbebunt, quamvis calor ingens,  
duriora momento temporis liquans corpora, in  
focis adsit.

Hookius à Naturâ (uti Boerhaavius loquitur) ad Experimenta Physica capienda fictus, plenæ Lunæ radios speculo in focum coegit, Lucemque licet in Chartâ fulgentissimam habuerit, Thermoscopium nihilominus mobilissimum admotum nè minimam Caloris notam dedit.

Regeri quidem potest, Lucem.... sine ullâ corporum solidorum concurrente actione, vix apparere nobis sub ignis specie, liberè autem per omnia transire spatia, sine deprehenso effectu ullo ignis nobis noto. *Boerb. Chem. vol. I. p. 99.* Hocque in Hookii experimento contigisse asseri potest.

30. Author Operis egregii (*Histoire du Ciel dicti*) materiam Luminis ubique spargi, tuncque nos afficere, cùm ab igne efficaciter mouetur, existimat. Sicut, inquit, Aér ad sonos, ita Luminis materies ad impressiones transmitendum apta semper manet: ut autem absurdum videretur docere, sonantem Campanam, Aërem (diffitam aurem pulsantem) generare; ita patiter haud congruens esset credere, Solem, aut ignitum corpus, Lumen ad remotissimum oculum ejaculari.

Effluentiam Lucis continuam à Sole , &c. in immensas projectæ distantias asserere , imò à scintillâ igneâ totum impleri posse Ætherem ( ut in Operibus posthumis docet Hookius ) rationi vindetur omnino adversari.

Quantò igitur ( cum modò laudato Authore ) satius , Divinum in hoc sequi Philosophum enarrantem , rerum omnium OPIFICEM dixisse , fiat Lux , & facta est Lux. Gen. c. i. aliquot nimis prius diebus , quam Sol extiterit ?

## §. II.

Lucis proprietates præcipuas tradere propositus jubet ordo. Primò de ejus refractione.

31. Cùm Lucis radii ( minimæ \* scilicet ejus partes ) propè corpora sint , per attractionem inflectuntur.

## DEFINITIO PRIMA.

32. Quodcumque transitum præbet Luci , medium vocatur.

## DEFINITIO SECUNDA.

33. Lux ex uno medio per aliud transiens , ut plurimum inflectitur , eaque inflexio refractio dicitur.

34. Ut refractio fiat , requiritur , ut media non sint ejusdem densitatis , utque radius Lucis

\* Nevvt. Opt. lib. i. pars i. def. i.

obliquè in superficiem intergerinam incidat.

35. Refractio eò major ( ut plurimùm ) est , quò densius Lux subit medium.

36. Corpora varia Lucem transmittentia , ad quandam à se distantiam , eam attrahunt ; ità ut radius Luminis , attractionis ingrediens spatium , lineam curvam pergit describere , usquequò tantum itineris intrà diversum fecerit medium , quantum distantiam æquaverit , ad quam istius medii attractio agit. Verùm cùm distantia illa admodùm sit exigua , pars radii curvata , in refractione perpendendâ non consideratur ; at radii velocitas propter attractionem mutata ( quæ refractionis legum fundamentum est ) minimè prætermitti debet.

### **DEFINITIO TERTIA.**

37. Radius Lucis aliud petens medium , incidens dicitur.

### **DEFINITIO QUARTA.**

38. Angulus , ab isto radio , & linea ad medium perpendiculari formatus , Incidentiæ nominatur.

### **DEFINITIO QUINTA.**

39. Alter verò angulus , intrà radium diversum jam ingressum medium , & eandem lineam

perpendicularem productam factus , refractionis Anguli nomen habet.

40. Cùm radius Luminis à rariori in densius transeat medium , angulus refractionis minor est angulo incidentiæ , & contrà.

41. In triangulo rectangulo, cuius latus unum erit pro celeritate , quâ Lumen attractionis spatium ad perpendiculum introit ; alterum pro celeritate acquisitâ in transitu per illud spatium , cùm celeritas ad ingressum nulla est ; hypotenusa celeritatem referet perpendicularem , quâ Lux attractionis spatium deserit.

42. Sinus angulorum incidentiæ & refractionis , sunt inversè ut celeritates Lucis in diversis mediis. Quod ( cùm sinus omnium angulorum sint in co-secantium eorundem angulorum ratione inversâ ) facili experimento probandum est.

Causâ sic , Legibusque præcipuis refractionis ( in genere ) enarratis ; ad Phœnomena specialia deveniendum.

### DEFINITIO SEXTA.

43. Radii à puncto continuò recedentes , divergere dicuntur .

### DEFINITIO SEPTIMA.

44. Punctum , à quo radii oriuntur divergentes , radiale punctum vocatur.

**DEFINITIO OCTAVA.**

45. Radii, qui ad invicem tendunt, convergentes appellantur.

**DEFINITIO NONA.**

46. Locus talium radiorum (45.) concursus, nominatur Fōcus.

**DEFINITIO DECIMA.**

47. Punctum, in quo convergentes radii (dummodo nil obstaret) concurserent, Focus dicitur imaginarius.

48. Cūm diversa media planā distinguuntur superficie, si radii paralleli, ab uno medio per aliud diversæ densitatis, transmissi fuerint, æqualem (post refractionem) inter se servabunt distantiam.

49. Radii divergentes, à raro in densum transentes medium, ad se proprius accendent. At si convergentes radii densius ingrediantur medium, minùs convergent.

50. Convergentes radii, à denso in rarum cuntes medium, citius concurrent, quam si medium non mutaverint. Et contrà divergentes radii in medium penetrantes rarius, magis divergent.

51. Si radii paralleli, à raro in densum pro-

gressi medium, in convexam superficiem media sejungentem incident, convergent; at radius centrum petens, nullam patitur refractionem. Si arcus partem infrà 15 gradus jubar incidens occupet, anguli incidentiz & refractionis erunt ut sinus, quorum ratio suprà stabilita est.

52. Si per talem convexam superficiem, è tenui egressi medio divergentes radii densius intrent, proprius ad se cogentur; & nisi divergentes nimium fuerint, in focum convergent.

53. Si radii densum introeant medium, per convexam superficiem, ita convergentes, ut centrum omnes petant, non refringentur: sì autem ad aliud tendant punctum, focus radiorum refractorum, inter centrum erit sphæricæ superficie fociumque imaginarium.

Ex prægressis sat evidens est, quid evenire necessè erit radiis à denso in rarum transeuntibus medium, cùm superficies lejungens versus rarius medium convexa fuerit.

54. Radii etenim paralleli, post refractionem coibunt.

55. Radii à punto radiante emissi, in folum pariter concurrere poterunt; utque proprius remotiusve statuitur punctum radians, longius distabit focus, seu proprius superficiem intergerinam invenietur. Præterea, punctum radians ita disponi potest, ut refracti radii deveniant paralleli: si magis adhuc superficie appropinquet, refracti radii divergent, at minus quam incidentes,

dentes , si à superficie magis distans sit punctum lucidum , quam centrum ; sin autem inter centrum superficiemque fuerit , radii post refractio- nem magis divergent.

56. Si convergentes sint incidentes radii , re- fractione citius coibunt.

Supponatur modò jubar solare denso rarum mutare medio , parte superficie media sejungen- tis convexâ densius spectante.

57. Radii tunc parallelî divergent.

58. A punto lucido orti radii ( dum refrin- guntur ) magis fiunt divergentes , dummodò punctum illud à superficie magis quam centrum distaverit ; si verò in centro inventum fuerit , nulla sequetur refractio : punto illo inter su- perficiem & centrum collocato , refracti radii minius divergent.

59. Radii convergentes , & in hancee inciden- tes superficiem ( si focus eorum imaginarius propè superficiem separantem sit ) convergent ( sed minius ) refracti. Sin autem incidentes radii mi- nius convergant , minius adhuc miniusque refracti convergent , donèc parallelî evadant ; tandemque divergentes reddantur.

60. Radii , è contrà , à denso rarum introeun- tes medium ( superficie media dirimente , ut in casu proximè tractato , sita ) si parallelî sint , divergent.

61. Si à punto radiante propagentur , magis divergent ; eoque magis , quô propriis ad su-

perficiem accesserit punctum.

62. Convergentes radii centrum superficie spectantes, nullatenus refringuntur.

63. Si magis minusve convergant, focus imaginarius semper inter radiorum refractorum focum, & centrum reperitur.

64. In prægressis, ex incidentibus radiis, unus in superficiem intergerimam ad perpendiculum cadere, ideoque non refringi suppositus est: at eadem propositiones, in radiis omnino obliquis, valebunt; hâc positâ differentiâ, quod omnes tunc inflectantur radii, majoremque refractionem patientur.

Quædam jam, de transfluxu radiorum Lucis à raro per densum medium, eorumque iterum in rarum ingressu, adjicienda sunt.

Ex Vitro politissimo lentes multimodæ fiunt, quæ rariori circumdatæ medio ( aëre nimirum ) variè Lucem afficiunt, prout variis donantur superficiebus.

65. Radii ( in genere ) per convexas transmissi lentes, ad se inflectuntur, eoque fortius, quod convexitas major datur.

66. Ex adverso, per lentes concavas radii, à se, idque pro cavi magnitudine, separantur,

67. Phœnomena specialia, in lente convexa: nempè, radii parallelî, qui lentem istiusmodi transnatarunt, in focum coeunt. Qui focus in Axi ( quæ recta linea est, utramque lentis faciem ad perpendiculum permeans ) semper invenitur.

68. Radii divergentes, vel minus divergunt, vel paralleli fiunt, vel denique in focum concurrunt; qui focus eō proprius erit ad lentem, quō longius punctum radians ab eā distat, & vice versā.

69. Radii convergentes (uti docet s'Gravesande) cum ē lente emerserint, magis convergunt. Hanc verò prop. tantum veram esse, cùm convergentes radii intrà semi-diametros sunt, nobis orta est suspicio.

70. In Lente concavā. Radii paralleli talem pervadentes Lentem, in exitu divergunt.

71. Radios divergentes magis divergere ait s'Gravesande: nisi forsan (uti videtur) aliter seres habeat, cùm punctum lucidum inter cavi centrum superficiemque locatur.

72. Radii convergentes vel minus convergunt, vel paralleli fiunt, vel denique divergunt.

Hujusce Sectionis Propositionum veritas, certissimis Experimentis s̄epenumérò à s'Gravesande, Musschenbroek aliisque Viris celebribus captis, extrā dubium posita est.

### §. III.

Quandoquidem objectorum imagines, reflexæ ad oculos nostros multoties adveniant, de radiorum Luminis reflexione paucula dicenda sunt.

**DEFINITIO PRIMA.**

73. Angulus incidentiæ, intrà radium incidentem, & lineam perpendicularē ad superficiem ductam, formatur.

**DEFINITIO SECUNDA.**

74. Angulum reflexionis, eadem linea perpendicularis, & reflexus radius, complectuntur.

75. Anguli incidentiæ & reflexionis sunt æquales. Totius hæc est Catoptricē Basis.

**COROLLARIUM PRIMUM.**

76. Ab eodem punto speculi, radii diversi non possunt ad idem punctum reflecti, & vice versa.

**COROLLARIUM SECUNDUM.**

77. Lumen reflectitur à corpore reflectente eādem vi, quā in illud incidit.

78. Lumen, cùm reflectitur, non impetrat partes corporum solidas; sed ibi repellitur, ubi liberè ( quoād materiem obicem ) transmeare posset.

79. Reflexionem Luminis ab anticā posticāque speculi facie, non ab eādem ejusdem causæ actione pendere ait Musschenbroekius: in primo etenim casu repellitur Lumen; in altero vero

à corpore jam tranato attrahitur ; eandem tamen esse causam , indè patet , quòd corpora , quæ Lumen maximè refringunt , eam quoquè maximè reflectant. *Essai de Physique* , §. 1267.

80. Specula ( plana ) ab omni punto reflectunt , à quâlibet objecti aut lucidi parte , emissos radios. *De Chales , Catoptr. lib. 1. prop. 1.*

81. Newtoni , super objecti imaginis loco ( in genere ) mentem exponunt hæce : Objectum , inquit , quod interveniente reflexione aut refractione aspiciatur , eo semper in loco situm videtur , undè radii post ultimam reflexionem aut refractionem divergunt , quo tempore in oculum Spectatoris incident . *Opt. lib. 1. Pars 1<sup>a</sup>. Axioma 8.*

82. Cùm omnes reflexi radii , ab eodem objecti punto , eundem habeant ( ultrà speculum planum ) imaginarium focus ; ideo diversis hominibus variè sitis , objectum idem per reflexionem in uno eodemque appareat loco.

83. Cùm radius incidens reflexusque imaginis metiantur distantiam , objectum ideo videri tales ultrà speculum habere situm , qualis ei reverà citrà est , solet dici.

84. Naturæ sic ( 83. ) artificium apprimè scitur ; causa verò physica efficiens tām prompti animalia ( de imaginis ultrà speculum situ ) judicii penitus nescitur.

85. Objecta , per specula plana commodè sita , verè representantur : hinc eorum usus.

86. Miros quosdam Luminis , in corporum vicinio , subsultus detexit Newtonus , qui nullius adhuc notæ Legis effectus dici possunt.

Musschenbroekius id Phænomenon , simile alia , in reflexione refractioneque Lucis , &c. nondum enodata perpendens , humani Ingenii angustiam ( verbis \* seipso , ac proin cedro dignissimis ) ingenuè , magnorum Virorum more , agnoscit.

87. In speculis convexis , imagines erectæ , speculis propiores , objectis minores , dissimilesque iis repræsentantur ; sic docente Musschenbroekio. *Essai de Physique* , §. 1299.

88. Locus imaginis cuiusvis objecti ( secundum de Chales ) in concursu est radii reflexionis cum incidentiæ catheto. Hanc Veterum sententiam plurimum veram esse tenet ; licet ( uti Kerplerus pridem suggestit ) in nonnullis deficere casibus candidè fateatur.

89. Musschenbroekius autem , *Essai de Physique* , §. 1298 , & s'Gravesandus , *Introd. ad Newt. Phil. num.* 808. & 809. Objectorum imagines ( in convexis speculis ) in curvis superficiebus , ab intersectione mutuâ radiorum reflexorum factis , semper videri docent : quæ superficies , cum ultrà speculum semper inveniantur ,

\* Ces merveilles nous font connoître les grandes Richesses de l'Entendement de notre Créateur , qui fait reluire & briller dans tous les Corps sa Sagesse infinie , pour nous convaincre des bornes de notre Esprit , & nous conduire plus sûrement à la connoissance de sa Sagesse. *Essai de Physique* , §. 1268.

imagines pariter ultrà semper videri ( cum illis ) dicendum.

90. De Chales verò , imaginem aliquandò intrà speculum , aliquandò in superficie speculi , & aliquandò extrà speculum apparere , asserit. *Catop. lib. 2. prop. 18...* idemque in Cyclopœdiâ docemur , sub vocabulo Mirrour.

91. In Speculis concavis communiter locus imaginis est.... in communi concursu catheti incidentiæ & lineæ reflexionis. *De Chales. Catoptr. lib. 3. prop. 35.*

92. s'Gravesandus rectius , ( ut arbitramur ) in Speculis concavis imagines in curvis videri superficiebus , ab intersectione mutuâ radiorum reflexorum ( ab intersectione radiorum incidentium & reflexorum , ait Musschenbroek ) factis docet. *Introd. ad Newt. Phil. num. 818.*

93. Si objectum à Speculo magis quam centrum distet , imaginem ita inter centrum Speculumque sitam fore demonstrat Musschenbroek ; ut distantia imaginis à Speculo , sit ad ejusdem imaginis distantiam à centro , sicuti objecti à Speculo distantia , ad ejusdem objecti à centro distantiam est. *Essai , &c. §. 1304.*

## CORROLLARIUM.

94. Quâ igitur ratione ad Speculum accesserit objectum , centro eadem appropinquabit imago.

95. Insupèr , istam imaginem ( 93. ) oculo  
commodè sito inversam apparere ; & si loco  
modò dictæ imaginis objectum ponatur , ultrà  
centrum videri oportere ejus imaginem inver-  
sam idem tradit. §. 1305.

96. Si objectum propriùs sit Speculum , quām  
pars 4<sup>ta.</sup> diametri Sphæræ , cujus portio est illud  
Speculum ; secundūm varios Oculi situs , objec-  
tum vel citrà vel ultrà Speculum , erecta , in-  
terdūmque duplex spectabitur. s'Gravesande , in-  
trod. &c. num. 832 , ad 834. Et Musschenbroek  
Essai , &c. §. 1310 ad 1312.

Luminis radios , seu partes ejus minimas ,  
eandem inter se habere refractionem haētenūs  
supposuimus.

#### §. IV.

*De radioram Lucis Refrangibilitate , eorum  
coloribus variis , &c. verbum addendum.*

#### DEFINITIO PRIMA.

97. Refrangibilitas radiorum Lucis , est dis-  
positio ea , quâ ità comparati sunt , ut in tran-  
seundo ex uno corpore translucido , sive medio ,  
in aliud , refringantur , seù de viâ deflectantur.  
Et major minorve radiorum Refrangibilitas ,  
est dispositio ea , quâ apti sunt , ut in paribus  
incidentiis super unum idemque medium , ma-

gis minùsve de viâ detorqueantur. *Newt. Opt.*  
*lib. 1. pars 1. def. 2.*

## DEFINITIO SECUNDA.

98. Radii eundem Refrangibilitatis gradum habentes, homo-genei ; cæteroquin hetero-genei vocantur.

99. Lumen Solis constat ex radiis diversè refrangilibus. *Newt. Opt. lib. 1. prop. 2.*

100. Qui minimè omnium refringuntur, rubri nuncupantur, proximi aurantii, sequentes flavi, hos excipientes virides, tūm cærulei, post hos purpurei, postremò violacei observantur.

101. Radios Luminis corpuscula esse diversis magnitudinibus, &c. innuit *Newt. Opt. lib. 3. quest. 29.*

102. Omne Lumen homo-geneum, colorem habet proprium & suum, refrangibilitati suæ respondentem ; isque color nullis reflexionibus, aut refractionibus mutari potest. *Newt. Opt. lib. 1. pars 2. prop. 2.*

Hujusce rei veritas ( quantumcumquè reclamaverint nonnulli ) millies dudùm evicta fuit, quotidieque evincitur.

103. Solis Luminis albor compositus est ex primariis omnibus coloribus, aptâ portione inter se commixtis. *Newt. Opt. lib. 1. pars 2. prop. 5.*

Verum quidem est, albissimum tunc Solis Lumen apparere, cùm pars aliqua flavi tollitur.

104. Ex primitiorum inter se colorum mis-  
turâ, infiniti alii oriuntur.

105. Pellucidæ corporum partes , pro variâ  
suâ crassitudine , reflectunt radios uno colore ,  
& transmittunt radios alio colore ; eisdem de  
causis , ac tenues lamellæ sive bullæ reflectunt  
vel transmittunt radios istos comparatè. Atque  
huic quidem causæ , corporum omnium colo-  
res omnes attribuendos existimavit Newt. Opt.  
lib. 2. pars 3. prop. 5.

---

## PARS TERTIA.

### §. I.

#### *Modi, quo fit Visus Explicatio, &c.*

**P**RÆGRESSIS refractionis legibus , ad struc-  
turam Oculi datam applicatis ; ad visionis  
arcana præcipua complectenda , &c. perpaucis  
opus erit.

### DÉFINITIO.

106. Visus est sensus , quo , ex materiæ lu-  
cis in retinam sani Oculi impingentis motu ,  
lumen & colores ab animâ percipiuntur. Blan-  
card. Lex.

107. Omne corporum reflectentium punctum ,  
incidentes radios ( undequaquè eos dispergen-

do ) dividit. Hinc methodus objecta pingendi  
suprà albam superficiem deduci potest ; radii  
enim ab innumeris objecti punctis reflexi , &  
supra lentem convexam cadentes , ultrà lentem  
focum suum habebunt. Objectorum autem dis-  
sitorum foci , eandem ( quoad sensum ) à lente  
distantiam habent. Varia igitur varieque sita ob-  
jecta , in eâdem depingi possunt superficie. Pic-  
tura talis inversa erit ; idque ex radiorum per  
lentem transeuntium intersectione sequitur.

108. Cornea pellucida reliquo prominentior  
est Oculo : hâc enim ratione , radii melius in  
pupillam detorquentur , &c. *Briggs. Ophthal.*

109. Radii in humorem aqueum ( densius  
nimirùm medium ) per convexam superficiem  
( corneam scilicet ) ingressi , convergunt ; ad  
debitam modò distantiam punctum radians  
fuerit. *Ex prægressis , &c.*

110. Cùm autem talis imago , si aqueus tan-  
tummodò daretur humor , nimis à corneâ dis-  
taret ; ideo lens crystallina radios jàm aliquan-  
tum convergentes intercipit : utque corpus est  
intrà Oculum densissimum , superficieque utrin-  
que sphæricâ circumscripum ; radii , qui aqueum  
transnatarunt fluidum , lentem hanc introeun-  
tes magis convergere , magisque adhuc in egressu  
in vitreum humorem ( lente crystallinâ ratiorem )  
coguntur. *Ex prægressis , &c.*

111. Hoc artificio contingit , ut objecta su-  
prà retinam in Oculi fundo depingantur : cu-

jus tunicæ partis nerveæ substantia , adeò exquisitæ est indolis , ut lumine sic moto agitur , medianteque nervo optico , de objectis ( modo descripto delineatis ) Animam commonefaciat.

112. Mariottus , in *Epistolis ad Pecquetum & Perraultium datis* , Retinam non esse præcipuum visûs organum , sed choroïdem contendit , idque variis probare argumentis sudat. Sententia verò ista , nec Pecqueto , Perraultiove Vitis gravissimis placuit ; nec adhucdùm inter Doctos famam sibi comparare valuit.

113. Imaginem objecti in facie anteriori retinæ pingi , reliquamque istius tunicæ crassitudinem , dictæ faciei æqualitati ( ad visum omnino requisitæ ) inservire tenet Perrault. *Lettre à M. Mariotte.*

114. Nexus inter ideas motusque eas excitantes penitus nos latet : nam in sensationum causis indagandis , ultrà nervorum agitationem progredi non licet.

115. Quô perfectior est imago in fundo oculi , eô distinctior idea excitatur.

116. Cùm radiorum focus ab eodem objecti punto recedentium , in retinam præcisè non cadat , visio tunc magis minusvè indistincta erit , prout foci distantia à retinâ , aucta fuerit vel imminuta.

117. Boerhaavius , *Instit. num. 539. Morgagnius , adv. 6. animad. 68 , &c.* & plerique ( cum

illis ) Auctores , vel totius oculi bulbum , vel crystallinæ lentis figuram aut situm , necessariò mutari oportere existimant , ut objectorum ad varia intervalla distantium imagines in retinâ perfectæ dentur.

118. Totum Oculum immutari penè nulla suadent.

119. Lentem crystallinam moveri , figuramve ejus , tenerimarum quarumdam ope fibrillarum (quas Fautores istius sententiæ musculares fingunt ) mutari ; structuræ oculi apprimè Gnarohaud verisimile videbitur.

120. Unicum tantùm objecti punctum clarè eodem tempore distingui potest ; id nempè , quod in axi oculi repræsentatur.

121. Si punctum idem contemplemur , ita ad illud diriguntur oculi , ut eorum axes protracti in eo concurrerent ; propterea paralleli non sunt , ut Gassendus voluit.

122. Sententia sàt communis est , ex inclinazione axium opticorum utriusque oculi , objecti distinctè visi distantiam aliquo modo dignosci posse. *De Chales , Opt. lib. 2. prop. 1. aliique.*

123. Objecti magnitudo visu percepta ( ut ait s'Gravesande ) imagini in Retinâ pictæ analoga est , quæ imago angulo , sub quo id objectum cernitur , respondet. *Introd. vol. 2. cap. 10.* Et de Chales : Quæ sub majori ( inquit ) angulo videntur , majora apparent. *Opt. lib. 1. prop. 6.*

124. Indè videtur sequi , eundem Hominem

centum passus ab oculo distantem , penè duplo majorem aspici debere , quàm cùm ad quinquaginta passuum intervallum locatur ; certum nihilominus est , nullam ( quoad sensum ) mutationem observari.

125. Juvenis Anglus ab incunabulis cœcus , à Chiselden Chirurgo celeberrimo ( anno 1729 ) sanatus est ; qui , cùm visum recepisset , nec magnitudinem initio , nec distantiam , nec situm , nec figuram distinguere valuit : Experientia paucatim , cæterique sensus eum instruxerunt.

### C O R O L L A R I U M .

126. Quocircà , nec distantia ( 122. ) nec magnitudo ( 123. ) &c. visûs objecta dici possunt : Lumen duntaxat coloratum , id jure sibi arrogat.

127. Iris contracta , vel dilatata , plures paucioresve admittit radios , prout objectum vividius propriusve , aut languidius remotiusve fuerit , hâc lege. .... quo propius objectum , eò arctior pupilla , & contrà. *Boerh. instit. num. 536.* sic plerique omnes.

128. Ex adverso , *Maitre-Jean* Pupillam ad objecta valde dissipata spectanda se se contrahere , dilatari verò , cùm objecta propinqua sunt , differtè afferit , c. 21.

129. Ad certam tantum distantiam , clarè distinctèque videmus. *Idem ibid.*

130. Objecta remota distinctè , sed languidius , cernimus.

131. Myopum & senum visūs ratio triplex,  
Corneæ scilicet , aut Corporis crystallini , aut  
utriusque simul , nimia vel convexitas vel pla-  
nities.

132. Priorēs Vitro cavo dioptrico , vel pro-  
pinquiore objecto juvantur : posteriores è contrà  
convexo vitro , aut remotiore objecto melius  
vident.

## §. II.

Hic quæri poterit , cur objecta ( quorum ima-  
gines in oculi fundo eversæ sunt ) Animæ erecta  
repræsententur ?

Curque duplēm uniuscujusque objecti ideam  
( cùm duplex sit ejus imago ) non habeamus ?

133. Ad primum quæsītū , responsa jam  
plurima à variis Autoribus data fuēre. Quod au-  
tem clarissimus *Mollineux* Brito , super hāc ma-  
teriā reliquit , cæteris anteponimus. Oculus , in-  
quit , organum solummodo habendus est , Ani-  
ma ( mediante hoc organo ) videt. Modum ergo ,  
quo Anima per inversam imaginem objecta erec-  
ta videt , complecti velle ; ejusdem Animæ facul-  
tates esset inquirere..... erectum inversum-  
que termini sunt relationis , majorem minorem-  
ve diversarum ejusdem rei partium à centro terræ  
distantiam indicantes..... facultas videns  
nullatenūs ad organi sui partes varias attendit...  
ponamus igitur oculum , in fundi sui parte infe-  
riore , à radio ( ab objecti parte superiori ) affici ;

Numquid non à supernâ objecti parte , facultas  
videns ictum produci necessariò judicare debet ,  
&c ? Hujusce rei argumentum in Homine in-  
verso capite sito , habemus : nam in eo casu , licet  
objecti partes supernæ , in superiori fundi regio-  
ne depingantur , Hominem tamen erectum esse  
minimè judicat Anima , &c. *Dioptr. nov. part. 1.*  
*prop. 28.*

134. Solerter etiam petit s'Gravesande , utrum  
inter ideam figuramque erectam , faciliùs quam  
inversam nexus concipiendus est ? Nequaquam  
herclè.

135. Ad secundum quæsitum , responsonem  
veram & genuinam esse ait de Chales , quòd  
nempè uterque oculus objectum repræsentet in  
codem loco , &c. *Opt. lib. 1. prop. 38.*

136. Galenus , plurimique post ipsum , Phœno-  
menon hoc , per Nervorum opticorum ( suprà  
Ephippii turcici partem anticam ) decussationem  
seu coalitionem , &c. explicarunt. Sic Newto-  
nus. *Opt. lib. 3. Q. 15.*

137. Eruditissimus autem Gibsonus Nervos  
opticos per conjunctionem solùm , non per fi-  
brarum suarum confusionem uniri tenet. *Anat.*  
*lib. 3. c. 10.*

138. Quam sententiam ( 137 ) Vesalii Obser-  
vatum in Fœminâ , confirmasse videtur. Istius  
Fœminæ nervus opticus dexter , ab oculi fundo  
ad medullam oblongatam usque , marcidus fuit ;  
dum nervus opticus sinister per totum eum trac-

tum perfectè sanus apparuit.

139. Retinarum ὄμοιοπαθέτων asserit Briggs; i.e., Retinas ac Nervos opticos congenericibus constare fibris, à Thalamis Nervorum opticorum ortum suum ducentibus; eas denuò fibras æqualiter tendi, aptèque disponi, &c. in ambobus oculis; ità ut, cùm imago in homogeneâ utriusque Retinæ parte pingitur, unicus idemque effectus intrâ cerebrum inveniatur, deque unâ tantum re sic admonetur Anima, &c.

Sententia hæc studiosè perpenfa, verissimilla (ni fallimur) apparebit: dummodò ad finem num. 7. jam traditis non aduersetur.

Clausulam à clarissimo Briggsio mutuabimur, hunc in modum prædicante: Inter præcipuas (inquit) Corporis animati partes, quæ magni CONDITORIS nostri Sapientiam ostendunt, nulla sanè reperitur, quæ majori Pompâ elucet, quam ipse oculus, aut quæ elegantiori formâ concinnatur. Dum enim aliæ partes vel minori satellitio stipantur, vel in tantam venustatem haud assurgunt; Ocelli peculiarem honorem & decus à supremo Numine efflatum referunt, & nunquam non stupendæ suæ Potentiaz Characteres repræsentant. Nulla sanè pars tamen divino Artificio & Ordine, &c. *Ophthalm.* ch. 1. §. 1.

---

## E R R A T A.

**P**ag. 2. lin. 28. pro cam lege eam. Pag.  
3. lin. 4. pro motūs leg. motus. Pag. 4. lin.  
21. pro Neutonus lege Newtonus. Pag 5. lin.  
18. post nervum recipit opticum , adde ( ita ut  
Globi peripheriæ pars interna intèr ejus inser-  
tionem & centrum pupillæ , reliquâ minor sit )  
Pag. 7. lin. 23. pro Chrystallinæ lege Crystallinæ.  
Pag. 28. post Defin. 2. adde , Radius incidens  
reflexusque sunt in eodem plano , ad superfi-  
ciem Speculi recto. Pag. 30. lin. 18. pro Ker-  
plerus lege Keplerus.